

Wustawki města Budyšina wo spěchowanju serbskeje rěče a kultury

Na zakładže §§ 4 a 15 wotst. 4 Sakskeho gmejnskeho porjada w formje wozjewjenja z dnja 9. měrca 2018 (SächsGVBl. str.62), kotrež je so z artiklom 2 zakonja naposled dnja 29. meje 2024 (SächsGVBL. str. 500) změniło, je měšćanska rada dnja 25. junija 2025 slědowace wustawki wobzamknyła:

§ 1 Zasady

Město Budyšin je město w tradicionalnym němsko-serbskim sydlenskim rumje. Tuta wosebitosć je wobohaćenje za město a ma so zjawnje dokumentować. Zjawnje dokumentowana dwurěčnosť ma wosebity wuznam za spěchowanje serbskeje identity. Město wěnuje serbskej rěči a kulturje wosebitu kedźbnosć.

§ 2 Serbske pomjenowanje města Budyšina

- (1) Město pomjenuje so němsce a serbsce.
- (2) W „Tworjenskich směrnicach města Budyšina“ je zapožožene, w kotrej formje so dwurěčnosť w měsće pokazuje. To potrjechi wosebje wuhotowanje měšćanskich wobchodow, publikacije města, hamtske łopjeno kaž tež wuhotowanje města z taflemi.

§ 3 Dwurěčne popisanje

- (1) Zjawne twarjenja a zarjadnišća, dróhi, puće, naměsta a mosty so dwurěčnje pomjenuja a woznamjenja.
- (2) Dwurěčne woznamjenjenje měšćanskich dželow so z wjesnymi abo městnymi taflemi zaruči.
- (3) Město skutkuje na to, zo so tež druge twarjenja němsce a serbsce woznamjenja, hdyž su wone za zjawnosť wosebje wuznamne.

§ 4**Serbske barby a chorhoj**

- (1) Serbska chorhoj je módro-čerwjena-běła.
- (2) Serbska chorhoj móže so runoprawnje nimo krajneje službneje abo krajneje chorhoje, zwjazkoweje chorhoje a europskeje chorhoje kaž tež chorhojow wukraja wužiwać.

§ 5**Přirada za serbske naležnosće a narěčenski partner**

- (1) Wutwori so přirada za serbske naležnosće. Nadrobnosće rjaduja hłowne wustawki wulkeho wokrjesneho města Budyšina a jednanski porjad měšćanskeje rady města Budyšina a jeje wuběrkow, wjesnych radow a přiradow.
- (2) Přirada kóždy lěto w přěnim kwartalu měšćanskej radže wo swojej dźěławosći rozprawja.
- (3) Wyši měšćanosta pomjenuje narěčenskeho partnera za serbske naležnosće we wobłuku zarjadnistwa.

§ 6**Serbska řeč**

- (1) Nałožowanje serbskeje řeče w zjawnym žiwjenju ma so škitać a spěchować.
- (2) Wobydlerjo maja prawo w zarjadach města Budyšina serbować. Jeli tute prawo nałožuja, ma to samsny wuskutk, hdyž bychu němčinu naložili. Wyše wudawki abo njelěpšiny njesmědža jim z toho nastać.
- (3) Informacije města Budyšina móža so němsce a serbsce wozjewić.

§ 7**Serbska kultura**

- (1) Serbska kultura je wobstatk kultury města Budyšina. W tutym wobłuku spěchuje město hajenje a wuwice serbskeje kultury.
- (2) Serbska kultura ma so při wšitkich kulturnych zarjadowanjach města wobkedźbować.
- (3) Towarstwa města su namołwjene, w swojim skutkowanju serbske tradicije, kulturu a serbsku řeč zapřijeć.

§ 8**Šule a pěstowarnje**

(1) Wothłosujo so ze Sakskim krajnym zarjadam za šule a kubłanje (LaSuB) posyla město Budyšin staršim podložki za přizjewjenje jich džěči na jednej z Budyskich zakładnych šulow. Pismu so lisćina móžnych kubłanišćow města přida. Wšitke šule města maja móžnosć, so na webstronje města (www.bautzen.de) ze swojim šulskim profilom předstajić. To płaći tež za serbsku zakładnu šulu w nošerstwje Budyskeho wokrjesa.

(2) Pěstowarnje na teritoriju města Budyšina maja tomu přinošować, zo so serbska rěč a kultura posrědkujetej a hajitej a serbske tradicije zachowaja. W tym zwisku kontaktuje město so z wotpowědnymi nošerjami pěstowarnjow a skedźbnja jich na poskitki třěčich, dalokož su městu znate.

§ 9**Wozjewjenje / Nabyće płaćiwosće**

(1) Tute wustawki wozjewja so w němskej a serbskej rěči.

(2) Tute wustawki nabudu džen po jich wozjewjenju płaćiwosć. Runočasnje zhubja wustawki města Budyšina wo spěchowanju serbskeje rěče a kultury z dnja 25. februara 1998 swoju płaćiwosć.